

蒙

事

一

斑

210520
9414

图整库

勘誤

第一頁

第十行

第三字

二十九 二十九 二十八 二十八 二十六 二十六 二十五 二十五 二十四 二十三 二十三 二十三 十九 十八 十八 十七 十六 十五 十五 十四 十四 十三 十三 十二 九 九 九 八 七 七 七 六 二 一

十六 十三 六 十七 四 十一 七 十三 八 十八 十六 七 三 十一 四 六 五 十三 二十 九 三 十七 十二 十九 十五 十三 十二 十二 十四 十四 十四 十二 六 八 十

一 二十二 二十一 八 十五 十一 十 十六 五 十六 十一 二 十二 十六 十四 六 九 十一 十七 十八 六 十五 六 四 十一 二十一 二十二 十四 十三 十四 七 二十三 二十二 十三 三

概誤極 推誤惟 巨誤巨 鐘誤鐘 巴誤已 宣誤宜 切誤功 給誤結 下漏地 毫誤毫 無誤撫 也誤人 屬誤圖 暇誤假 敝誤敝 煤誤謀 裨誤俾 活誤話 負誤員 遇誤過 闕誤閱 取誤収 設倒 下漏等 下多條 切誤功 憤誤憤 刼誤劫 撫誤復 搶誤槍 該誤官 下漏旂官 下漏匪 住誤任 勝誤騰 是誤事

蒙人易虐蒙人亦易懷崇宗客巴之教以弱其種又禁習漢文以塞其智世治則無詐無虞渾噩者不能爲患世衰則貪庸競進邊吏傲倖營利很戾恣盱若割羊豕夫牛馬之賤鞭之急則憤轅狐兔之微持之急則反噬嗟乎蒙固人也夏先后之苗裔吾同胞也顧忍而爲此雖然饑者易食湯者易飲苟得仁賢長官爲之黜貪殘謀樂利但能轉移一二事卽能化怨很以爲悅服然明却賂羌酋革心張軌去官諸戎務面古事今情詎有異焉

鍾岱奉

大總統命令慰問卓索圖盟蒙古而適有綏東縣一事爲之辨其事非理其冤抑其人至持之而泣又爲之諷經祈福去殘止暴亦使者之職宜然而蒙情若此因以知庫藏之携其造端亦由於官吏反命後卽條上治本治標二策治標爲慎選廉謹之吏以和其人治本則不外因其地以爲教養而已事實無足觀而卽此例彼或有足資鑒戒者反而求之庶有濟乎敢質之籌國君子

陸鍾岱啟

呈國務院公函

蒙藏局

敬啟者鍾岱於本月十五日行抵熱河當即與熱河都統及熱河道討論各蒙現在情形據言開魯失守綏建朝赤等處相繼戒嚴等語昨已由電密陳查開魯事變原因係由庫倫獨立遣人到處煽惑蒙匪圖們爾吉糾合多人乘機擾亂而所過之處不分蒙漢一律焚殺淫掠純係金錢主義寇盜行為若不趕緊勦滅深慮蔓延日久擾及全蒙且恐蒙漢人民彼此誤會致啟仇殺之釁防不勝防勦不勝勦尤難收拾現在熱河都統屢經文電請兵情事急迫勢難延緩所有派往軍隊急宜速飭開拔前進以期早日恢復庶可維持全蒙大

局鍾岱一面刊刻告示佈告慰問之意一面與熱河都統及本地士紳商定由熱河都統出示曉諭蒙漢人民告以此次用兵專剿亂匪並無種族之見以冀隱相消弭鍾岱即於十八日由熱河起程前進以盡慰問事宜如所經附近地方遇有戰事鍾岱竊願會同前往軍前効力俟有命令准飭前往即當遵行慰問告示乙紙附呈垂察敬請公安

卓索圖蒙旂慰問使陸



爲

佈告事照得

大總統敬問諸同胞好因蒙古本是夏禹王少子淳維所封之地是個自古君主之國今日忽然改做共和怕諸同胞不知共和是什麼國體特叫我來第一件是告訴你們今日國體叫做五族一家人人人平等五族是漢滿蒙回藏從前大皇帝時代年年夏天在熱河避暑秋天在圍場打獵又要到多倫諾爾接見內蒙諸王公你們辦皇差迎聖駕已經苦累之極又要按班進京當差今日五族共和這些苦都不受了就是佛爺奴才這些話也都免了大總統是什麼人是我們五族同胞公舉的一個都上司官他辦的國家事是替我們五族同胞辦的他對五族人民自稱公僕就像人民僱募的一般做一天總統就做一天的事做的事皆是做國利民福的事人民對大總統却要當做君主看待大小各官皆受他命令聽他的指揮又却與專制君主不同都要依着憲法做事一絲不能專制幾年一任任滿時若舉到蒙古人做大總統也是這樣今日阿王喀拉沁王一個管理崇文門稅務一個做蒙藏局的總裁既是一家皆是一樣就是對滿族回族藏族的同胞也皆是一樣這就是五族共和的國體第二因從前清國出了壞人不信

佛教把廟宇佔了和尚趕了和尚就是你們的喇嘛他那知道中國在漢朝就是行佛教的國所以到今日中國人還叫做漢人蒙古直到元朝纔行佛教若是朝廷不信佛教是漢人寒心蒙古也就寒心所以纔請大總統出來辦事皆因大總統是個好人更是極尊崇佛教的人章嘉呼圖克圖來加封宏濟光明尊號甘珠爾瓦呼圖克圖來加封圓通普慧尊號皆送銀一萬圓佛人有光蒙古人皆有光就是我們信佛教的人也都有光第三因東二旂內蒙裏有受人煽惑的興兵內犯圍困洮南蒙兵裏又有馬賊陶什陶十分強悍國家不過派了幾個隊伍就將他打跑烏泰的家也沒了大總統深怕兵士殺害蒙人一面嚴禁一面傳諭凡有從亂蒙人招撫回家其眷口財產分毫不許損害大總統的意思念蒙古皆是同胞事做錯了不能不許其改悔你們看大總統寬厚不寬厚我們五族人公舉他舉的錯不錯再有外蒙古也是受了人的煽惑好好的要獨立一獨立就爲人所滅法國滅安南日本滅朝鮮皆是先叫他獨立從前外蒙古爲準噶爾所滅中國爲他滅了準部保存他的國土此後再斷沒有人出來替他保存了我來道還不能親向他說煩你們轉將此話告訴他奉託奉託爲此佈告

中華民國元年

月

日

呈國務院 蒙藏局 公函

總理台鑒敬啟者頃探聞開魯事變啟釁之由係因押荒應給蒙人半價並應入之租稅被官長吞沒憤極思逞匪人從中擾亂以致官逃民散不易收拾現在辦法似宜一面派兵分別良莠剿撫兼施以靖匪徒一面派員會同東西翁牛特盟長秉公查辦以清積弊方為釜底抽薪之計否則兵力所至雖卽一時解散而根本上未能解決善後終非易易現在毗連該縣各旗蒙漢人民互生疑慮漸啟仇殺之機而敗兵沿途焚燒蒙古廟宇及殺害蒙人之事亦所不免倘不亟為維持恐延及鄰境一經潰裂更難收功鍾岱訪聞有據當已

函電互發請熱河都統體察情形速行設法辦理尙祈

總理鑒核迅速相機酌辦以維大局鍾岱為顧全全蒙起見
是否有當伏候

卓裁敬請

公安

皇大總統
國務院
蒙藏局
請取銷直隸劃分蒙漢管轄議案稿

敬啟者十一月二十二日准喀喇沁王旗護印協理希哩薩喇移稱爲據情轉電事敝旗蒙漢代表朝魯長安郭中和劉振風吳鳳山白音圖張雲祥郭縉之朱開山劉彬代表全體請願書稱近聞順直省議會呈請參議院熱河都統專管蒙旗一案原文謂都統不受監督故願劃歸直督專轄云云竊思漢民恐受行政官專橫蒙民何獨應受取專橫現今五族共和欲利平等是否應取大眾主義抑或從少數人之武斷查旂屬蒙漢實情只可專求融和萬不可離間且卓昭兩盟並無議員在順直省議會何得以數人私見率爲更動致生

將來無窮之患祈轉電

大總統俯念兩盟治安堅持慎重勿輕更張以安人心保全大局不第本地蒙漢之幸亦民國前途之幸等情據此相應移請貴慰問使查照轉電

大總統察核示覆以便轉知 敝旂蒙漢全體遵照可也等因查卓索圖蒙旂風氣素稱開通早有贊成共和知識於地方自治一切事宜均係聯絡蒙漢一體辦理感情頗稱融洽近聞此案發生頗不免涉疑慮查民國以五族共和爲主體本無歧視蒙漢之見茲若果將蒙民專歸熱河都統管轄而將漢民劃歸直督是雖無歧視之心而顯有歧視之迹此在專

制時代亦非政體所宜况現在主張共和如此變更實慮蒙
漢人民因此轉生意見殊于共和前途大有妨碍鍾岱愚見
竊謂此案如果屬實于辦理蒙旗事宜關係非淺是以先由
漾電密

聞茲再詳陳敬候

鑒核鍾岱現已行抵喀喇沁王府地方尙屬安謐擬暫任三

二日與該旗人員接洽後卽行啟程前進知關

廩系特併附陳敬請

公安

致熱河道台王函

恩溥仁兄觀察閣下前肅謝函諒邀

惠鑒頃弟已行至漢公府地方小住一日卽復啟程前進茲啟者漢公談及各處旗租向多抗延亦不按糧盤市價估交囑爲函致地方官出示督催並開具糧盤市價一紙擬請飭平泉州發給告示十六張粘貼本旗租倉十三所及黃土梁子三家湖池溝各處弟思此事雖係漢公府箇人關係然值此聯絡感情之際似不妨從其所請轉飭平泉州爲之出示辦理可否卽請酌之再弟行過樓子店地方聞老爺梁左近有馬賊十餘人在該處放開劫掠馱子並聞馬七營子及董

來店蒿松溝等處均有馬賊蹤迹約共七八十人或謂賊目係鮑閔王或謂係楊統領或謂係謝文友未知孰是大抵該等均係著名巨匪亟宜緝除以靖地方也又聞開魯之事實因地方官差役平素苛虐敲詐積忿已久此次有難民經過因爭索車輛爲該人槍斃誣告係官旗協理所爲遂致激變啟衅而匪人從而乘機肆擾並聞此次海留王旗派往各處聯絡蒙漢之蒙人爲富民滕崗懷疑槍斃而滕崗轉捏稱該旂王造反以稟告地方官似此顛倒是非若不徹底查究恐辦理稍不得法蒙事益生枝節以上所聞前已函致熱河都統與茲稍異特並附及敬請

助安

致熱河都統公函

叔泉都護台鑒敬啟者弟由喀喇沁王旂起行經過地方馬賊充斥見聞不鮮訪諸蒙漢紳民咸稱此等馬賊皆係積慣爲匪而警務廢弛不能認真緝捕間有鄉董緝獲之匪又往往未能嚴厲懲辦或有狡供獲縱益復無忌鄉民憚于結怨尤多隱忍不言徒懷惶懼弟到處延訪實有所聞而尤以黑城子一帶匪踪爲最夥查有于江王鳳義劉九江德等或係招降馬賊已經歸營仍復潛縱手下黨羽爲匪或係招降後又復充當馬賊橫行滋擾又有變兵頭目王和杜文等亦各二三十人爲羣在黑城子一帶槍掠若不嚴行緝辦擾害居

民不得安處其強悍者久必相率爲匪勾結日多恐成巨患况現值開魯亂事未定人心惶恐尤宜嚴肅懲創以儆匪徒而靖地方弟見聞既確不敢不據實以

聞再聞朝陽劣紳有把持公事顛倒是非以致警察善政轉爲地方之受害者此君係十年前錫清帥在熱曾經拒絕之人似應仍行斥退以昭儆戒愚見所及并祈分別酌核爲禱敬請

公安

咨熱河都統轉綏東商會稟

爲咨行事據綏東縣商務分會城董事會總董陳春津商董
衛明倫蘇存城議事會議長郝守荃第一區區官姜聯儒暨
闔街商民等稟稱本年五月一號駐綏練軍兵變勾通鬍匪
周糊塗等搶燒商民各戶四十餘家曾經該會董等指明叛
兵田種玉等十二人尤爲最惡稟請各大憲懲辦並求撫卹
在案現聞所指叛兵均已收撫回營商民含冤未雪情實難
甘稟請認真究懲并懇轉呈

大總統設法撫卹等情前來查五月間駐綏練軍變兵既經
該商民等指稱有名之人自無准其仍行招撫回營之理聞
九月內有該軍隊仍來綏東駐札之說人心甚爲惶恐卽本
慰問使此次沿途訪聞亦實有收復兵匪仍復潛行搶劫之
事若不認真究懲恐無以儆匪徒之心而平商民之憤茲據
前情除轉呈國務院查照外相應抄錄原稟咨行
貴都統酌核辦理可也此咨

熱河都統

呈國務院查辦錫埒圖庫倫喇嘛自戕大概情形稿

蒙藏局

總理 偉鑒敬啟者 鍾岱 於本月十三日行抵錫埒圖庫倫旗慰問之次即將該旗達喇嘛阿克旺巴勒丹鎗斃身死一案明密訪查業於二十四日將大略情形電呈查綏東縣孫汝錯前後電稟情節大抵以該喇嘛自戕由於其父退職喇嘛官保所迫爲詞而又以調會勾匪等情爲該縣未敢往驗之據查該已死喇嘛與官保是否積不相能應以官保退職後是否仍行干預旗務爲斷該縣所稱執意往驗必致決裂亦當以官保有無調會勾匪情事爲據當該喇嘛自戕之後該旗札薩克等疊次遣人延請該縣往驗事出倉卒未備公文

亦情理所或有該縣何以遽知其疑竇甚深推諉不到及盟長派員會驗之初該縣並不明白開導輒以該旗聲稱直接赴京辦理遂爲執意往驗必致決裂之據如以商民傳述爲證則遍加延訪咸稱當時蒙漢均無意見市面併無恐慌取有商會印結可憑疊經 鍾岱 公文信函索取該縣稟電確實證據該縣多方掩飾竟無詞可覆况現經盟長派員會同該縣相驗後卽經該旗札薩克等具結完案毫無異詞尤足爲其前後所稟不實之證查該縣境春間所駐練軍兵變之時該縣倉皇逃避該旗求救經蒙漢各團練將變兵擊退該縣始得回署官保果有舉動叵測之心不於彼時乘機起事乃

藉驗屍之事驟生異心蒙人雖愚當不致此聞官保在奉天及該縣與熱河等處市廛甚多頗有富名素憚訟事未能得該縣之心而該縣呈報熱河都統稟內有五月密稟官保回廟把持等語此件密稟經鍾岱一再札催抄送稿底該縣竟以遺失不獲爲覆是該縣於官保罪狀預伏於數月以前而於此案發生以後並不以勘驗該已死喇嘛屍身爲重情而祇以證實官保罪狀爲要素其居心殊不可解並聞該縣電請奉軍來綏之時奉軍因其詞甚危急於各要隘支礮相防嗣見該旗蒙人代爲安置店寓籌辦輜重糧草情形極爲恭順毫無變亂之情與該縣所言迥不相符亦均代抱不平之

憤總核此事該縣電稟所稱官保回廟把持及調會勾匪各節均係毫無實據飾詞誣妄道路咸知衆口一詞均屬確鑿可證倘當時蒙人稍不隱忍早與開魯之變賡續而起所關誠非淺鮮除全案卷宗俟彙齊回京呈報外先將大概情形呈請

鑒核並已將該縣種種劣聲電致熱河都統請其速行酌辦免生事端再聞該縣有稟報奈曼王旗變亂之事亦屬毫無影響特併附及敬請
公安

咨各蒙旗文

爲咨行事本慰問使奉

國務院命令內開委任卓索圖盟慰問使前赴該盟將中央政府改革情形暨

大總統優待蒙古德意剴功宣導以慰蒙望各蒙旗如有艱難疾苦之情該員應卽詳細考詢回京呈報等因業經本慰問使周歷各旗遵行在案本慰問使又經奉有

大總統傳諭現值共和建設之初各蒙如有應行改革重大事宜亟欲各蒙旗主暨管理旗務各員赴京接見以便詳詢周諮酌核施行等語查民國成立所有年班入覲之期概行

停止各蒙旗應辦事宜正當及時赴京陳請以促新政進行之機而收各旗公同之益除本慰問使面行傳諭外相應再行咨請

貴盟長 查照爲禱此咨

卓索圖盟盟長
各旗

呈國務院 蒙藏局 公函

總裁鈞鑒前准喀喇沁札薩克王旂移稱擬定臨時變通地方辦法六條又准喀喇沁中旂移稱喀喇沁王旂所擬辦法六條意見相同又加入添設巡兵馬隊以爲遊擊之師一條節經據情轉呈在案現已行抵卓索圖盟長東土默特王旂除錫呼圖庫倫旂移文內無保護旂款以濟公費一條其餘均與各旂辦法意見相同毋庸另行呈請核辦外疊准喀喇沁東旂移稱於前二旂所擬辦法均表同意外另擬加入四條土默特條右翼旂移稱另擬加入三條東土默特旂移稱另擬加入三條因前來查各旂所擬辦法各條情形彼此不

同均係有關旂務地方之事相應彙抄呈送酌核辦理分別施行是所企禱敬請公安

喀喇沁王旂擬定臨時變通地方辦法六條

一直接公文要電以免遺悞查本旂距東土默特盟長旂八百餘里其間向無驛站郵局凡政府公文要電往往遲延數月始能轉來雖係刻不能緩之事遲延日期難免遺悞擬嗣後凡政文要電直繳本旂以便尅日遵行

一保護旂款以濟公費查本旂常年行政經費惟賴倉租暨礦山抽分稅務抽分近年各倉佃民多有支吾搪塞抗不

完納鑛山暨稅務抽分雖有定章而奸商貪吏希圖并吞藐視定章亦多不抽繳以致本旗公款奇絀羅掘俱窮何以辦理公務維持秩序擬請通飭行政官長保護本旗公款俾得利益均霑以濟經費而昭公允

一賊盜重犯暫行就地正法自近年來本旗地面賊盜充斥旂兵及巡警所獲盜犯解送來旗因前清舊制本旗無辦賊盜之權祇有移解州縣詳請正法奈遠距州縣數百餘里或解至半途被賊夥糾衆搶去或毆傷解役逃走或遇猾賊卽到州縣頓翻前供矇混得釋逍遙法外仍前上盜爲害愈劇是以盜風日熾民生日艱且東省蒙匪內地變

兵潰散各地倘勾結土匪嘯聚成夥勢不可破小則騷擾地方大則謀爲不軌養癰成患何堪縱想非有嚴重辦法杜漸防微不足以遏亂萌擬凡解送本旗重要賊犯訊有確供實據無鄉隣具保而有事主對証法無可貸之犯直接咨請熱河都統聽批後卽行軍法從事用槍擊斃就地正法如是賊膽可寒內患可除此係臨時辦法俟地方法制大定卽可收銷

一派會審蒙員清理交涉詞訟查前清定例純蒙詞訟由本旗自理蒙漢交涉案件概歸州縣審理奈蒙人多係不通官話難以分訴曲直蒙漢隔閡由此而起於地方審判廳

成立以前擬由本旗派會審蒙員常駐州縣凡有蒙漢交涉案件與該州縣會審公斷其蒙漢會審員薪俸均由熱河行政經費內酌給如此蒙漢人民向來隔閡不難立除於地方治安亦大有裨益

一蒙漢詞訟就近審判查本旗地面附設平泉建平一州一縣其平泉州距本旗三百餘里建平縣距本旗亦三百餘里其間蒙漢雜處分治爲難前清定例蒙人詞訟歸旗自理漢人詞訟歸州縣審判無如與州縣附近之蒙人遇有詞訟必來本旗聽審與本旗附近之漢民遇有詞訟亦必赴州縣聽審如此往返六百餘里旅費川資所費不貲且

有差役勒贖或遇賊盜路劫以致傾家蕩產者不一而足蒙漢均以爲苦倘准派員會審亦似可以變通辦法州縣既有會審蒙員凡有與州縣附近蒙人詞訟就近歸州縣備案本旗無庸過問本旗既有會審漢員凡有與本旗附近問漢人詞訟亦就近歸本旗審理備案無庸州縣過問如此則民困可紓民情可達矣

一兼轄巡警以防盜賊查本旗蒙漢巡警雖係合辦本旗無兼轄漢人巡警之權每遇警報呼喚不靈擬請通飭地方官長准予本旗兼轄地方巡警以資實行聯合而免盜賊紛擾